




53211

I

Mag. St. Dr.

P

Gorlicki Victorini: Quaestio philosophica
de unitate analogiae



QVÆSTIO PHILOSOPHICA

DE

Vnitate Analogiæ

Publicè ad defendendum proposita.

A

M. VICTORINO GORLICKI,

In Magna D. Iagellonis Aulâ Lectorio DD.
Theolog.

Permissu Magnifici Dñi RECTORIS.

Anno Domini, 1649. Die Martijæ.

CRAC. Valerianus Piatkowski Impressit.



53211
I

AMICO DEI
DIOANNI CANTIO

DOCTORI S. Th.

in Academia Cracouiensi profundissimo
Patrono Vniuersæ Poloniæ vigilan-
tissimo Parenti Maximè
Venerando.

M. VICTORINVS GORLICKI Cultum Dulicæ.

Questionem de Analogia perdifficilem, et per-
obscuram: necessariam tamen ad Physicæ, Me-
taphysicæ, atq; Theologiæ penetrandas difficultates,
Tibi dedicare, cum submissa animi deuotione compla-
cuit. Doctoris conatus est, præstolari iucundè Disci-
pulorum confluum, cum profundissimis difficultati-
bus. Desideratissima et amenissima occupatio, Stu-
diosos Doctrinarum ambigendi alacritatem habentes,
et paternè auscultare, et prudenter moderari, et
dextrè sudare in promouendâ messi intelligentiæ, na-
uantium operam literis, diligentissimè. Ergo esse of-
ficij mei intellexi, nodum Philosophiæ solidum Tibi soli
dedicandum, qui Præceptor Academicorum agnosce-
ris, Paterq; inuocaris. Nam qualis ille Discipulus,

qui gnarus Professoris propositi, perperam illud tra-
ctat: Prudentissime Philosophus in Philosophia Mo-
rali commendat sedulam observationem coniunctarū
societatum, quoniam illis variatis, variatum fore sta-
tum Reip. facillimum, erit assentiri. Addidit preterea
animum correspondendi Tuo Sanctissimo Beneplacito
labor Tuus immensus, cui Te, totum dedicaueras. E-
cuius numero. Exiguus erat, noctes insomnes ducere,
ut modo tricis Philosophicarum Disceptationum pe-
netratis: profectum virtutis et laboris in surculis A-
cademię seminasses. Medicus iudicabatur, Dogmata
Mathe: celestis styli candidissimi quatuor tractatib9
et sapientissime, et facillimē comprehendere, ut erudi-
ses intelligentiā eruditorū. Mediocris, volumen con-
sionum, Spiritus Sancti: prolem secundissimā orbi v-
niuerso parturire, ut recreasses eundem, felici partu.
Quare Doctor Optime Ioannes Canti, sit obsecro cu-
re Tibi, hec mea permolesta controuersia, quoniam
contemplationem Tuam circa attributa Diuina occu-
patam, non impediet. Esto contentus hac, illaq: pri-
mā testificatione publicā, affectus submissi, siquidem,
et si res animus tamen potissimum in offerendis mu-
ueribus profundē trutinatur.

D. O. M.

Q V Æ S T I O

PHILOSOPHICA

DE VNITATE ANALOGIÆ.

V. Præter vnitates Essentialem & Accidentalem, ceu fundamenta Intentionum Genericæ specificæ atq; Differentialis: assignari debeat vnitas Analogiæ, sufficiens ad Constituenda scientiarum strictè sumptarum Obiecta Formalia. Quæ, Conceptumq; tam obiectiuum, quam Formalem à suis inferioribus perfectè Præcisum excludens. Nec ne?

CONCLUSIO I.

Unitas Essentialis & Accidental^{is} in rerum Natura datur.

COROLLARIA.

1. *Unitas Essentialis in ratione unitatis per abstractionem intellectus Agentis constituitur.*

2. *Dicta unitas est radix atq; Principium vni-
nocationis.*

3. *Aequaliter respicit sua inferiora in quibus
reperitur, & à quibus abstrahitur.*

4. *Conceptum tam Formalem quàm obiecti-
uum à suis inferioribus perfectè præcisum habet.*

5. *Accidentalis ex concursu plurium Acci-
dentium enumeratorum à Porphirio capite de spe-
cie, consurgit.*

6. *Ad constitutionem unitatis dictæ ita con-
cursus plurium Accidentium in uno Individuo re-
peritur, ut similis in alio simpliciter dari non
possit.*

CON.

CONCLUSIO II.

In vnitatibus Essentiali, & Accidentali, intentio Generis, Speciei, & Differentiæ fundatur.

COROLLARIA.

1. *Dictis vnitatibus Ratio fundandi Generis, Species atq; Differentias proximè & remotè conuenit.*
2. *Vnitas specifica & Differentialis immediate ex accidentali: Generica mediante specifica, consurgit.*
3. *Vnitas Generica à Materia, Differentialis à Formâ, specifica ab utraq; vnitis inter se Essentialiter sumitur.*
4. *Vnitas Generica & specifica non datur à parte rei, sine adminiculo Intellectus.*
5. *Vnum transcendentaliter Analogicè, & Equiuocè: ut Naturæ Communis experget, ita ineptum ad fundandas Intentiones secundas.*

6. *Unitas secundo Intentionaliter accepta quoties definitur, à Logicis definitur principaliter & in Recto, in ordine tamen ad Primam.*

CONCLUSIO III.

Præter unitatès Essentialem,
& Accidentalem Analogica de
facto datur.

C O R O L L A R I A.

1. *Unitas Analogica propriè dicta seu Logica. Alia est Attributionis seu Proportionis. Alia Proportionalitatis.*

2. *Ratio Analogiæ Attributionis licet sit frequentior in significationibus Nominum, Proportionalitatis tamen est Nobilior.*

3. *Unitas Analogica Attributionis habet Analogiam secundum intentionem & non secundum Esse: Proportionalitatis secundum utrumq;
Analo-*

4. *Analogia Proportionalitatis Alià Proprie Alià Metaphoricè talis.*

5. *Analogia Proportionalitatis propriè accepta in omnibus Analogatis intrinsecè inuenitur Metaphoricè in vno intrinsecè in alijs extrinsecè.*

6. *Analogia Inæqualitatis cum uniuocatione coincidit, & ad illam est reuocabilis.*

CONCLUSIO IV.

Vnitas Analogica ad constituenda scientiarum strictè sumptarum Obiecta Formalia Quæ est sufficiens.

COROLLARIA.

1. *Ad multiplicationem Obiectorum Materialium Genere & Specie distinctorum, non est necesse, multiplicari habitus scientificos.*

2. *Scientiæ non sunt collectiones specierum,*
B
aut

aut habitus ex pluribus compositi: sed simplices
quædam Qualitates, extendentes se ad omnes suas
Conclusiones.

3. Scientiæ simplicitatem dictam, quanquam
ex Obiecto Formali Quæ: maximè autem à ra-
tione Formali sub Qua desumunt.

4. Rationem Formalem sub Qua constituen-
tem scientias, siue referas ad diuersitatem Lumi-
num, siue Abstractionum, siue Principiorum, non
errabis.

5. Unitas Obiecti in Genere Entis, non exclu-
dit multiplicitem in Genere Scibilis.

6. Obiecti in Genere Entis spectati perfectio
sumitur ex ordine ad existentiam & operationes.
In Genere Scibilis ex ordine ad Potentiam & ha-
bitum.

CONCLUSIO V.

Unitas Analogica, non ha-
bet vnum Communem Con-
ceptū tam Obiectiuum, quàm
Forma-

Formalem perfectè præcisum à suis inferioribus.

C O R O L L A R I A

1. *Conceptus Unitatis Analogicæ confusè & implicitè res omnes sibi subiectas significat: expresse nullam.*

2. *In ordine ad Ens rei & rationis, neq. est Ens Rei, neque rationis: e contra ad Deum, & Creaturas.*

3. *Neque est omninò unus, neq. omninò diuersus: sed partim unus, partim diuersus.*

4. *In descensu ad sua inferiora admittit ordinem Prioris, & Posterioris.*

5. *Imperfectio eius atq. inadæquatio consistit ex parte repræsentationis suorum Inferiorum.*

6. *Conceptus unitatis Analogicæ ut non manet in potentia ad sua inferiora, ita non est contrahibilis per additionem Conceptus Differentialis.*

Soli Deo Honor &
Gloria.



XXIV. 57. 82

Biblioteka Jagiellońska



stdr0011704

